

रामाधणी आवो आवो बाबा आवो,
पधारो मारे आंगनीया,
थारी घणी करू मनवार,
थारी घणी करू मनवार,
पधारो मारे आंगनीया ॥

आवोजी पचरंग पेजाधारी,
भक्त उड़ीके बाट तिहारी,
आवोजी पचरंग पेजाधारी,
भक्त उड़ीके बाट तिहारी,
आवो लीले पे,
आवो लीले पे हो असवार,
पधारो मारे आंगनीया,
रामाधणी आवो बाबा आवो,
पधारो मारे आंगनीया ॥

मल मल कर थाने स्नान करावु,
घीस घीस चन्दन तिलक लगावु,
मल मल कर थाने स्नान करावु,
घीस घीस चन्दन तिलक लगावु,
लीला घोडा रे,
लीला घोडा रे घुंगरू बंधावु,
पधारो मारे आंगनीया,
रामाधणी आवो बाबा आवो,
पधारो मारे आंगनीया ॥

दाल चूरमा रो जीमन जीमावु,
लोंग इलायची रो पान खिलावु,
दाल चूरमा रो जीमन जीमावु,
लोंग इलायची रो पान खिलावु,
मै तो रंग रंग,
मै तो रंग रंग रंगोली मंडावु,
पधारो मारे आंगनीया,
रामाधणी आवो बाबा आवो,
पधारो मारे आंगनीया ॥

बाबा थारो जमो करावु,
भाव भक्ति रा फूल चढावु,
बाबा थारो जमो करावु,
भाव भक्ति रा फूल चढावु,
मै तो भगता ने,
मै तो भगता ने भजन सुनावु,
पधारो मारे आंगनीया,
रामाधणी आवो बाबा आवो,
पधारो मारे आंगनीया ॥

घणा मानसु ज्योत जगावु,
मीठा मीठा भजन सुनावु,
घणा मानसु ज्योत जगावु,
मीठा मीठा भजन सुनावु,
मै तो झूम झूम,
मै तो झूम झूम ताल बजावु,
पधारो मारे आंगनीया,
रामाधणी आवो बाबा आवो,

पधारो मारे आंगनीया ॥

रामाधणी आव आवो बाबा आवो,
पधारो मारे आंगनीया,
थारी घणी करू मनवार,
थारी घणी करू मनवार,
पधारो मारे आंगनीया ॥

गायक प्रकाश माली जी ।
प्रेषक मनीष सीरवी
9640557818

Source:

<https://www.bharattemples.com/ramadhani-ao-padharo-mhare-aanganiya/>



Bharat Temples

Complete Bhajans Collections - Download Free Android App

https://play.google.com/store/apps/details?id=com.numetive_bhajans

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>